

Partnerstvo (životne zajednice)

U Švicarskoj su priznati razni oblici suživota. Za vjenčanje je potrebna starosna dob od najmanje 18 godina. Bračni drugovi su pred zakonom jednaki.

Zajednički život

U Švicarskoj su se oblici zajedničkog života posljednjih decenija jako promijenili. Parovi žive često zajedno, a da pri tome nisu vjenčani (Konkubinat) i imaju zajedno djecu. Jasna podjela uloga između partnera (muškarac/žena) ne postoji. Istopolna partnerstava su prihvaćena i pravno priznata.

Brak / zajednica istopolnih parova

U Švicarskoj morate napuniti 18 godina da bi mogli stupiti u brak. Onaj ko želi da se vjenča mora se obratiti matičnoj službi koja je nadležna za opštinu u kojoj se živi (Regionales Zivilstandsamt). Matični ured pokreće proces pripreme braka (administrativna priprema). Pri tom se provjerava da li postoje zakonske prepreke za brak (Ehefähigkeit). Matični ured obavještava detaljno o postupku i o potrebnim papirima. Po završetku ove pripreme partneri se trebaju vjenčati u roku od 3 mjeseca. U slučaju da jedna osoba, koja stupa u brak živi u inostranstvu, može se postaviti zahtjev da ta osoba doputuje u svrhu pripreme vjenčanja. Istopolni parovi mogu registrovati svoje partnerstvo u matičnom uredu. Osobe koje žive u ovom partnerstvu imaju slična prava i obaveze kao i osobe koje žive u braku.

Prava i dužnosti

U braku su supružnici po zakonu ranopravni i imaju ista prava i dužnosti. Oba supružnika se moraju vjenčati svojom slobodnom voljom. Saznaju li vlasti da je neko bio primoran da stupi u brak (Zwangsheirat), taj brak se može proglasiti nevažećim i dotične osobe kazniti. Ako se neko osjeća prisiljenim da stupi u brak, u tom slučaju treba potražiti pomoć. Opferhilfe SG-AR-AI može pojasniti koje su pravne i lične mogućnosti za pronalaženje rješenja (+41 71 227 11 00).

Planiranje porodice

Za pitanja u vezi sa planiranjem porodice, trudnoćom i seksualnosti postoje u kantonu Appenzell Ausserrhoden specijalizovana savjetovališta koja se nalaze u mjestima St. Gallen. Tu se mogu dobiti diskretni savjeti na teme kao što su kontracepcija, seksualni problemi, neželjena trudnoća ili spolna oboljenja. Savjete mogu takođe dobiti osobe sa djecom ili budući roditelji.

Razvod braka

Razvod braka mogu tržiti oba partnera zajedno ili samo jedan od njih. Razvodi se mogu pokrenuti direktno kod kantonalnog suda. I brakovi koji su zaključeni u inostranstvu mogu se razvesti po švicarskom zakonu. U tom slučaju prebivalište supružnika treba biti najmanje godinu dana u Švicarskoj. Razvod braka može imati uticaja na status boravka ili tekući proces za dobijanje državljanstva. Da li strani državljani poslije razvoda braka mogu ostati i dalje u Švicarskoj, zavisi od raznih faktora. Za žrtve nasilja u porodici primjenjuju se posebna pravila. Za informacije o razvodu možete se obratiti savjetovalištu za brak i porodicu. Beratungsstelle für Familien pruža informacije, savjetovanje i podršku u teškim životnim situacijama, kao i u pravnim i socijalnim pitanjima. Ova usluga je namijenjena porodicama, parovima i pojedincima i subvencionisana je.

Više informacija (linkovi, adrese, brošure, informacioni listovi)

www.hallo-ar.ch/hr/partnerstvo-i-djeca/partnerstvo-zivotne-zajednice